

19. oktobari 2007

UKA 2007/60,61

**Nioqqutissanik eqqussuinermi akitsuutit pillugit Inatsisartut inatsisaata  
allangortinneqarneranik Inatsisartut inatsisissaattut siunnersuut  
(UKA2007/60)**

&

**Imigassat ethanolimik akullit Kalaallit Nunaanni sananeqarsimasut akitsuutaat  
pillugit Inatsisartut inatsisaata allangortinneqarneranik Inatsisartut  
inatsisissaattut siunnersuut  
(UKA2007/61)**

**pillugit**

**Inatsisartut Akileraartarnermut Akitsuusiisarnermullu Ataatsimiititaliaata  
aamma**

**Inatsisartut Aningaasaqarnermut Ataatsimiititaliaata**

## **ISUMALIUTISSIISSUTAAT**

**siunnersuutit aappassaaneerpeqarneranni saqqummiunneqartut**

**Inatsisartut Akileraartarnermut Akitsuusiisarnermullu Ataatsimiititaliaat  
suliarinninnermini ukuningga inuttaqarpoq:**

Inatsisartunut ilaasortaq Kristian Jeremiassen (Atassut), siulittaasoq  
Inatsisartunut ilaasortaq Juliane Henningsen (Inuit Ataqtigiit)  
Inatsisartunut ilaasortaq Lene Knüppel (Demokraatit)  
Inatsisartunut ilaasortaq Ruth Heilmann (Siumut) – Agnethe Davidsenimut  
sinniisussaq  
Inatsisartunut ilaasortaq Ole Thorleifsen (Siumut) – Jens-Lars Fleischerimut  
sinniisussaq

**Inatsisartut Aningaasaqarnermut Ataatsimiititaliaat suliarinninnermini  
ukuningga inuttaqarpoq:**

Inatsisartunut ilaasortaq Ruth Heilmann (Siumut), siulittaasuugallartog  
Inatsisartunut ilaasortaq Naja Petersen, (Atassut), siulittaasumut tulliugallartog –

Augusta Salling-imut sinniisussaq  
Inatsisartunut ilaasortaq Ane Hansen (Inuit Ataqtigiit), Agathe Fontain-imut sinniisussaq  
Inatsisartunut ilaasortaq Palle Christiansen (Demokraatit)  
Inatsisartunut ilaasortaq Ole Thorleifsen (Siumut) –Jens-Lars Fleischer-imut sinniisussaq

Inatsisartut Aningaasaqarnermut Ataatsimiititaliaata aamma Akileraartarnermut Akitsuusiisarnermullu Ataatsimiititaliaata UKA 2007-mi siullermeerinermik kingorna siunnersuut nassuiaatai ilanngullugit misissuataarpaat.

### **Siunnersuutit imarisaat aningaasaqarnikkullu kingunerisassa**

UKA 2007/60-mi tunisassianut tulliini taagorneqartunut eqqussuinnermut akitsuutit qaffanneqassasut siunnersuutigineqarpoq:

Sukkut suugaluartulluunniit, imigassat ethanolimik akullit, mineralvandit, sodavandit, limonadit imeruusaatillu kulysrimik akullit allat, imeruusaatit akusassat tupanillu nioqqusiat arlaqartut.

Siunnersuut ukiumi aningaasaliiviusumi 2008-mi ukiunilu missingersuusiorfiusuni 78 mio. kr. missaannik ukiumut iluanaaruteqarnerussutinik isertitsissutaassasoq naatsorsuutigineqarpoq. Taakkunungalu ilanngutassaapput annikinnerusumik iluanaaruteqarnerussuteqarneq 8 mio. kr.-nut 2007-mi missingerneqartoq.

Annertussutsinut maanna atuuttunut sanilliullugu nioqqutissat kalluarneqartut atugaanerat akitsuutinik qaffaanerup nassatarisaanik 10 pct.-inik appariarnissaat naatsorsuutigalugu iluanaaru-tissatut missingersuutit tunngaveqartinneqarput.

UKA 2007/61-mi siunnersuutigineqarpoq imigassat ethanolimik akullit Kalaallit Nunaanni ni-oqqusiarineqartut akitsuuserneqassasut. Tamatuma saniatigut, mineralvandit, sodavandit, limonadit aamma kulysrelinnik imeruusaatit allat Kalaallit Nunaannit nioqqusiarineqartut akitsuuserneqassasut siunnersuutigineqarpoq.

Imeruusaatit taamaattut, nunatsinni avataaniluunniit nioqqusiarineqarsimaneri apeqqutaatinna-gu, assigjiaamik akitsuuserneqarnissaasa qulakkeerneqarnissaa inatsisissatut siunnersuutip siunertaraa.

Ukiumi aningaasaliiviusumi 2008-mi ukiunilu missingersuusiorfiusuni 22 mio.kr.-nik siunnersuut Naalakkersuisunut iluanaaruteqarnerussutinik isertitaqaataassasoq naatsorsuutigineqarpoq. 2007-mut iluanaaruteqarnerussutit 1 mio.kr.-inik annikinnerussasut naatsorsuutigineqarpoq.

Annertussutsinut maanna atuuttunut sanilliullugu nioqutissat kalluarneqartut atugaanerat akitsuutinik qaffaanerup nassatarisaanik annikitsumik appariaateqassasut naatsorsuutigalugu iluanaarutissatut missingersuutit tunngaveqartinneqarput.

### **Aningaasaqarnikkut ataatsimut kinguneqaatissat**

Ataatsimut isigalugu Naalakkersuisut naatsorsuutigaat siunnersuutit taakku marluk 2008-mi ukiunilu missingersuusiorfiusuni katillugit 100 mio.kr.-nik nunatta karsianut iluanaaruteqarnerussutaassasut. Aningaasat taakku konto pingaarneq 24.13.50-mi, Akileraarutitigut Akitsuusiinertigullu sillimmatitut isertitaqarnerussutaasussatut 2008-mut aningaasanut inatsisissatut siunnersuummi saqqummiunneqartumi naatsorsuutigisatut ilanngunneqarput.

Tamatuma saniatigut siunnersuutit 2007-mi 9 mio.kr. pallillugit annertussusilinnik katillugit iluanaarutikinnerussutaassapput.

### **Inassuteqaatit**

Ataatsimiitaliani ikinnerussutillit, Demokraatineersut, siunnersuutit pillugit ima oqaaseqarumapput:

Demokraatit ilaasortaataat siunnersuutit saqqummiunneqartut isumaqatiginngilaat.

Siunnersuutit taaneqartut marluk Inatsisartuni akuersissutigineqarpata akileraarutitigut akitsuuti-tigullu tamakkiisumik inuinnarnut nammatassiinerup annertusineqarnissaa Demokraatit akerlaat. Akileraarutit akitsuutillu maannakkut qaffasissusii naleqquttuupput qaffanneqartariaqaratillu.

Inuiaqatigiit akitsuutinik nutaanik pisussaaffilernerinut taarsiullugu Naalakkersuisut naleqquttunik nuussuisariaqarsimagaluartut missingersuusianillu pitsanngorsaasimasariaqaraluartut, taamaalillutillu isertitassarsiorfissat nutaat pillugit Demokraatit siunnersuutaannik malinnissimassagaluartut Demokraatit isumaqarput.

Akitsuutinik qaffaaneq Naalakkersuisut periarfissatut kingullertut atorsimasariaqarluarpaat, a-kitsuutimmi akitsuutillu qaffannerisigut aningaasanik aqutsineq peqqinnartoq tutsuiginartorlu taarserneqarsinnaangimmat.

Tamatuma saniatigut eqqussuinnermut akitsuutit qaffanneqarnerata annertunersaa inuuiarnikkut pitsaanngitsumik sunniuteqassamat Demokraatinit uparuassallugu pingaartuuvoq. Kalaallit Nunaanni imigassat tupanillu nioqqusiat akii nunarsuarmi akiusut qaffasinnerpaat ilagigaluaat akitsuutit nammineerlutik annertuutut taasarialimmik atuinermik appartitsisuusimangillat. Imigassamik tupamillu atuneq piffissami sivikitsumi naatsorsuutigineqarsinnaasutut akitsuutinik qaffaanngikkallarnertulli annertussuseqalerpata inuiaqatigiinni isertitakinnerpaanut ingammik aningaasaqarniarnikkut ajorseriaammik kinguneqassapput.

Ataatsimiititaliani ikinnerussutillit, Inuit Ataqtigiinneersut, siunnersuutit pillugit ima oqaaseqarumapput:

Inuit Ataqtigiit Inatsisartut inatsisissaannut siunnersuutit qulequtami taaneqartut ataatsimilluunniit akuerisinnaangilaat makku tunngavigalugit:

- Innuttaasut naligiinnerusumik atugaqalernissaannik anguniakkap innuttaasullu assigiimmik periarfissinneqarnissaannik anguniakkap piviusunngortikkiartuaarnissaanut akileraartarnikkut iluarsaaqqinnerit sakkugissallugit patajaannerpaasutut isumaqarfigigut.
- Aningaasatigut pissakinnerit pissarissaartullu akornanni qunnersuaq angeqisoq mikinerulersittariaqarpoq, taamaattumik isertitaqqortussuseq najoqqutaralugu akileraartalernissaq siunnersuutigaarput.
- Isumalluutitsinnik uumassuilinnik atuinnermut akiliuteqartalernissaq pilersinneqatariaqartoq.
- Akitsuutit tunngatillugu Inuit Ataqtigiit tungaannit piareersimavugut akitsuutit pinngortitamut avatangiisinullu illersuinissamik siunnerfillit oqaloqataaffigissallugit, taamaattorli taakkua pinngitsooratik innuttaasunut aningaasakillioereersunut eqqornerluissanngitsut. Paatsorneqarsinnaanngitsumik nalunaarutigaarput inuit akornanni inuuniarnikkut assigiinngissitsinerit akuersaarsinnaanatigit, taamaattoqassagalarpat inuit naligiinngiqisumik atugassaqartinneqarnerat attatiinnerneqassammat.
- Akitsuutit inatsisissatut siunnersuutini taaneqartut inunnik aningaasaqarniarnikkut atugarissaanngitsunik nammakkiinnerpaajusarput.
- Innuttaasuni aningaasatigut inatsisimanerit naligiissarnissaannut naapertuunnerulersinnissaannullu Inatsisartuni ikinnerussuteqartut kisimik piumassuseqartut.

Taamaammat Ataatsimiititaliani ikinnerussutillit inassutigaat siunnersuutit Inatsisartunit itigar-titsissutigineqassasut.

Ataatsimiititaliani amerlanerussutillit Siumup Atassutillu ilaasortaataat, siunnersuutit pillugit oqaaseqarput:

2008-mut aningaasanut inatsisissatut siunnersuummi aningaasaliinissamik pisariaqartitsineq siunnersuutitigut marlutsigut naammassineqarpoq. Tamatuma saniatigut siunnersuutit peqqinnissamut naapertuuttumik siunertaqarput. Taamaalillutillu siunnersuutit tunisassianut peqqinnissamut ajoqutaasunik arlaqartunik atuinnermut annikillisitsinerimut, soorlu sukkunut imigassamullu, atussallugit naleqquttuupput, tamannalu pitsaasuusoq oqaatigisariaqarluni.

Ataatsimiititaliani **amerlanerussutillit** tamanna tunngavigalugu **inassutigaat** siunnersuutit Inatsisartut **akuersissutigissagaat.**

Taama oqaaseqarlutik ataatsimiititaliat siunnersuutit aappassaaniigassanngortippaat.

**Inatsisartut  
Akileraartarnermut  
Akitsuusiisarnermullu  
Ataatsimiititaliaannit:**

Kristian Jeremiassen  
(A),  
Siulittaasoq

Juliane Henningsen (IA)

Lene Knüppel (D)

Ruth Heilmann (S)

Ole Thorleifsen (S)

**Inatsisartut  
Aningaasaqarnermut  
Ataatsimiititaliaannit:**

Ruth Heilmann (S),  
Siulittaasuugallartog

Naja Petersen (A)

Palle Christiansen (D)

Ane Hansen (IA)

Ole Thorleifsen (S)